

Hér eru settar fram almennar leiðbeiningar um birtingu fjárhagsupplýsinga í samræmi við EFPIA [Disclosure Code](#). Byggt er á sniðmáti EFPIA fyrir framsetningu og birtingu upplýsinganna. Ef fyrirtæki (MLH/birgi) er með ítarlegri leiðbeiningar eða aðrar kröfur skal fara eftir þeim.

Birting fjárhagsupplýsinga	Birta á opinberlega allar upplýsingar um greiðslur lyfjafyrirtækja til heilbrigðisstarfsmanna og heilbrigðisstofnana. Frumtök bjóða svæði fyrir birtingu á www.frumtok.is, aðildarfélögum að kostnaðarlausu. Fylgja skal þeirri meginreglu að hver markaðsleyfishafi birti upplýsingar í sínu nafni á vef Frumtaka. Fyrirtæki sem ekki eru aðilar að Frumtökum geta einnig óskað eftir birtingu upplýsinga um greiðslur á svæði Frumtaka, en greiða þá 50.000 kr. fyrir birtinguna.
Tímabil og dagsetning birtingar	Miðað er við greiðslur á almanaksári og birtingar-dagsetninguna 30. júní ár hvert. Sem dæmi má nefna að samantekt greiðslna á árinu 2025 skal birta í síðasta lagi 30. júní 2026. Meginreglan er sú að birting upplýsinga sé í samræmi við dagsetningu greiðslu. Til dæmis ef reikningur vegna Læknadaga 2026 er greiddur í desember 2025, skal birta greiðsluna í skýrslu fyrir árið 2025.
Hversu lengi eru gögn aðgengileg á www.frumtok.is	Að lágmarki í þrjú ár, sbr. gr. 2 í Disclosure Code.
Gengi	- Allar greiðslur og upphæðir eru í íslenskum krónum. - Meginreglan er að greiðslur í erlendri mynt séu umreiknaðar skv. gengi á þeim tíma sem greiðsla var framkvæmd.
Skattar	- Samkvæmt áliti RSK eru greiðslur vegna endurmenntunar ekki skattskyldar. - VSK er alltaf tilgreindur. Allar upphæðir eru með vsk. - Greiðslur vegna þóknunar ber viðtakanda að gefa upp til skatts eins og aðrar tekjur.

Samþykki fyrir birtingu fjárhagsupplýsinga - HCP	• Skriflegur samningur þarf að liggja fyrir, fyrir hvert framlag, sem og afstaða til birtingar. • Ef samþykki fyrir birtingu fæst þá eru upphæðir birtar undir nafni og kennitölu einstaklings. • Ef samþykki fyrir birtingu fæst ekki frá heilbrigðisstarfsmanni fara upphæðir í dálk fyrir samanlagðar upphæðir (<i>aggregate</i>). • Ef HCP samþykkir ekki birtingu á öllum greiðslum á árinu (pr. birgja) skulu allar þær greiðslur fara í dálk fyrir samanlagðar upphæðir (<i>aggregate</i>). • Endanlegar upphæðir skal senda til HCP til yfirferðar um fjórum vikum fyrir birtingu. Nota skal staðlaðan tölvupóst til að senda upplýsingar ásamt tímafresti til að gera athugasemdir. • Ef samþykki er dregið til baka áður en upplýsingar eru birtar skal uppfæra birtingarskjal og færa greiðslurnar í dálk fyrir samanlagðar upphæðir (<i>aggregate</i>).
Samþykki fyrir birtingu fjárhagsupplýsinga - HCO	• Samþykki er innifalið í samningi við HCO og þarf því ekki að biðja um sérstaklega. • Birting greiðslu til HCO er á nafn og kennitölu HCO.
Kennitala	• Í reitinn „Unique Country Identifier/Kennitala“ skal rita kennitölu viðtakanda (HCO eða HCP) greiðslu.
Viðtakandi framlags	• Fullt nafn viðtakanda. • Meginreglan er sú að birta skal undir nafni HCP (viðtakanda/einstaklings), þó svo að greiðsla fari til HCO.
Framlag til HCO til að senda HCP á viðburð	• Ef HCP er þekktur þá er birt á hans nafn og ekki á nafn HCO (viðburðasamningur gerður • Ef HCP er ekki þekktur þá birt á HCO undir Framlög vegna viðburða (sjá nánar 3.01.1.b)

Framlög til heilbrigðisstarfsmanna (HCP)**Framlög vegna viðburða**

Viðburður nær yfir alla vísindafundi og aðra álíka viðburði, svo sem fagfundi, þing, ráðstefnur og málþing. Skriflegur samningur þarf að liggja fyrir.

- **Skráningargjöld** á fundi og ráðstefnur
- **Ferðalög** (flug, leigubílar, lestir) **og gisting**
 - Ekki þarf að birta upplýsingar um einstaka liði ferðakostnaðar, sem eru lægri en viðmiðunarmörk.
 - Ekki þarf að birta upplýsingar um kostnað máltíða ef hann er undir viðmiðunarmörkum. Fari kostnaður yfir viðmiðunarmörk, skal upplýsa um heildarkostnað máltíðarinnar.
 - Viðmiðunarmörkin eru birt á [heimasiðu Frumtaka \(www.frumtok.is\)](http://heimasiðu.frumtok.is).

Þóknun vegna þjónustu og ráðgjafar

Með ráðgjöf og/eða sérfræðiþjónustu heilbrigðisstarfsmanns er t.d. átt við:

- Fyrirlestur / kennsla / fræðsla
- Textagerð, þýðing og/eða faglegur yfirlestur
- Fundarstjórn

Samningsbundin útgjöld

- Annar kostnaður eins og tilgreint er í samningi

Framlög til heilbrigðisstarfsmanna með starfsstöð erlendis

Framlög vegna viðburða, þjónustu eða ráðgjafar hér innanlands, til heilbrigðisstarfsmanna sem starfa / hafa starfsstöð erlendis skulu birt í því landi sem þeir starfa. Um þetta atriði skal kveðið á um í samningi við viðkomandi.

Framlög til heilbrigðisstofnana (HCO)

Skriflegur samningur þarf að liggja fyrir þar sem tilgreint er í hvað framlagið er nýtt.

Kostun (sponshorship)

- Á við um samstarfsverkefni og fundi þar sem fyrirtæki kemur að skipulagningu og/eða dagskrá viðburðar með einhverjum hætti.
- Framlög til HCO/þriðja aðila skilgreindum af HCO til að sjá um viðburð, t.d. leiga á básum á Læknadögum.

Styrkir og stuðningur (grants and donations)

	Á við þegar ákveðinn viðburður er styrktur án þess að viðkomandi fyrirtæki taki þátt í viðburði á annan hátt. Til dæmis að styrkja fagfélag heilbrigðisstarfsfólks um ákveðna upphæð til að halda fund.
Rannsóknir og þróun	
	Birta á framlög og styrki til HCP/HCO vegna rannsókna og þróunar sem tengjast: - Rannsóknnum sem ekki eru klínískar - Klínískum rannsóknum - Rannsóknnum styrktum af rannsóknaraðila - Rannsóknnum án inngrips

Skilgreiningar:

Heilbrigðisstofnun (HCO, *Health Care Organization*)

- Stofnun þar sem heilbrigðisþjónusta er veitt, sbr. lög um heilbrigðisþjónustu nr. 40/2007.

Heilbrigðisstarfsmaður (HCP, *Health Care Professional*)

- Samanber reglugerð um lyfjaauglýsingar, 980/2016, er heilbrigðisstarfsmaður hver sá sem tilheyrir fagstétt lækna, tannlækna, dýralækna, hjúkrunarfræðinga, lyfjafræðinga, lyfjatekna og nemar í þessum greinum.

Framlög (*contribution*) vegna viðburða:

Stuðningur (*donation*)

Kostun (*sponsorship*)

Styrkur (*grant*)

Þóknun (*fee*)

Skjali síðast breytt, mars 2026.